

Crac. stud. Univ. Jagell.  
Promotiones Philos. Ord.  
1638 VII Idus Octobr. 3.



1190

I.

Mag. St. Dr.

P.

Spexonowii Joachimi. Hellenodice virtuti-



Biblioteka Jagiellońska



stdr0002048

29



# HELLANODICE VIRTVTI.

Q V A M.

CVM FIDE BONA TRES ET VIGINTI.  
PRIMÆ LAVREÆ CANDIDATI.

7 N.

OLIMPIIS ACADEMICIS PROBAVISSENT  
CORONAS OLEAGINAS.  
M E R V E R E.

O P E R A.

M. JOACHIMI SPERONOVIC  
*Coll: Min: tñ Decani Facultatis Artistarum  
Agonothetæ Certaminis.*

Anno Domini 1 6 3 8. VII Idus Octobris.

C R A C O V I Æ,

*In Officina Typographica Stanislai Bertutouic.*



NOMINA & COGNOMINA VV. DD.  
CANDIDATORVM.



1. Paulus Szadzynski
- 2 Matthias Bilinski
- 3 Ioannes Ofmanski
- 4 Ioannes Szymanski
- 5 Albertus Komorowicz
- 6 Petrus Suandrowic
- 7 Thomas Hunkiewicz
- 8 Paulus Iędrowicz
- 9 Hieronymus Szeltenreych
- 10 Albertus Węgrzynowicz
- 11 Laurentius Gabrielowicz
- 12 Gregorius Gostomiowski
- 13 Valentinus Stalicki
- 14 Sebastianus Fąfrowicz
- 15 Nicolaus Bietkowic
- 16 Ioannes Korabski
- 17 Sebastianus Trzeciak
- 18 Andreas Sufzycki
- 19 Ioannes Iarczynski
- 20 Matthias Walowski
- 21 Bartholomæus Wiesiowic
- 22 Christophorus Sidecki
- 23 Andreas Ordinius



# HELLANODICE VIRTVTI

**C**Larus coronis Hercules athleticis,  
Quondā Palæsten qui Iouem in lucta inscius,  
Natus Parentem sensit; & exhorruit.  
Olympicam plantasse consilio graui  
Dicitur oliuam: præmium certaminum,  
Præsens nouorum, lucta, seu tactus bonæ  
Metæ fauisset, seu anhelos carceres  
Repetendo, cursu quis prior contingeret;  
Aderant virentis præsto præmia arboris.  
Quæ Victor obtinebat assensu Ducum.  
Res grata præstantibus vt arbitror fuit  
Animis, Labor: quem gloriæ tantum decus  
Exciperet. ausus quilibet paruos putat,  
Cum præmiorum magna constitit fides.  
Quoties corollis publico plausu datis  
Natis Parentes gratulabantur, virens  
Cum cinxit arbor tempora, ac frontis decus;  
Toties palæstritas, & affines Viros,  
Ad lætioris prouocabant carminis,  
Opes amicas, laude pangendas noua.  
Quid ni vocarent? gaudijs pleni bonis:  
Quando iuuentus lætior, per arduos



Tendebat ausus, præmijs flagrans nouis.  
Dilecta Matri, propter ausus tam graues  
Proles, laborem quæ tulisti gnaui ter;  
Felix corollas accipe, & palmas, manu  
Victrice textas, fouendo matris bonum.  
Tetigisse metam constitit fausto pede.  
Fauent corollæ: Iuppiter gratissimo  
Luctator olim quas fouit studio potens.  
Et Phæbus illas bicipitis præses chori;  
Impensiùs complexus apponi sibi  
Volebat. & Minerua studiorum Dea:  
Dicant Athenæ quanto eas plausu tulit.  
Sunt expetendæ mentibus promptè bonis  
Doctæ corollæ; præmia augusti chori.  
Quæ literatam promouent antiquitus  
Felicitem, gloriam, famam, decus  
Pariunt perenne; expetendæ sunt maxime.  
Redimita nunc his, omine apprecor bono,  
Lucem capeffe publicam, proles bona.  
I clara gressibus bonis, i prosperis  
Itineribus, magnæ parentis inclyta  
Propago, qua genita parente sis proba.  
Virtutis almæ, lumen optandum, tuis  
Deprome factis, laudis hoc munus tuæ  
Numerabitur, cum creueris maioribus  
Exempla promens ausibus, quibus diu

Florere



Florere possis, luce publicâ grauis.  
Quoue magis accensum monitis pectus geras,  
Aduerte; multis vocibus mater rogat,  
Ætatis almæ, vt floridos prudens dies  
Ingressa ducas: quam loqui sic audio.  
Tantos amæno pectore. ac placido intuens  
Vestros labores, ô mei pulchræ hortuli  
Plantæ, secundis insitæ Fauonijs.  
Perfruor apertis gaudijs; cum publica  
Præmia tulistis, quæ satis iusto impetu,  
Sudasse vestram prædicant industriam.  
Gratulor honores quos tulit Virtus boni  
Conscia laboris: crescite, & factis graues,  
Longis probate sæculis, vestrum decus.  
Feliciter recreate. me vestram diu  
Matrem, labore, & arduis conatibus.  
Sed ô parentis anxietatis solatium,  
Dilecta proles, dogmatis fructum grauis  
Quo cautior sis accipe, pare pijs  
Hortatibus, vitæ dies vt transigas  
Præstantiores, iussa nec temnas mea.  
Quam sæclâ summo vertice enatam Iouis,  
Memorant Deam; sapientia est soboles mea,  
Parens honoris, præmium conatum  
Vitæ bonorum, Græcia *sophiam* vocant  
Vestigium felicitatis, lux bonæ



Mentis, recessus ignibus lustrans pijs,  
Decus laboris, gloria & certaminis  
Præstantioris. sequitur hanc prudentia,  
Laudanda virtus, & grauis vitæ, comes  
Perennis, hæc mille virtutes duas  
Sequuntur, ô proles mea, his mentem dato,  
Cum destinatos capitis ornatus, sacro  
Numine fauente, lætior facta accipis :  
Animumq; totum consecra tantis bonis,  
Factura feciûs acre senseris malum,  
In laude summi promouenda Numinis  
Qua parte possis, nemini cedas velim.  
Res magna pietas est serenans languidæ  
Mentis recessus, tristiores effugans  
Nebulas Cerastræ turpis, ac dono pio  
Spargens beatas corde flammæ vices.  
Hanc mea rogatus fac meo proles colas,  
Latura certo præmium magnæ domus,  
Quam summus author omnium, laudi suæ  
Constituit, à primis dierum sæculis.  
Venerare Maiores, secundos vt dies  
Numerare possis; sūma laus hæc est bonæ  
Prolis, parentes intimo cultu, fide,  
Reuerentiâ, si prosequantur candidâ,  
Studio sius scientiarum quodlibet  
Genus expetas, contentio quàm plurimos

Prouexit

*Cultus Nu-  
minis*

*Maiorum  
reuerentia*

*Scientia cū  
virtute con-  
iungenda.*



Prouexit ampliùs. & in altum protulit.  
Sed scire minimum est, absq; virtutis bono;  
Meliùs vocetur docta negligentia.  
Perfectiùs contrà nihil, quàm mens proba  
Coniuncta cum scientiâ, gemmæ refert  
Lucem, aureis quæ rutilat imposita tholis.  
Non explicatur verior felicitas  
Sermone grato; facta quem rident tribus  
Horis peractis, semper elucet locis  
Omnibus Honesti splendor idem. nec magis  
Laudanda ( vulgus quod tamen tantifacit, )  
Hominis diserta lingua quæ nocet probis  
Pungitq; multùm. veritas aliter docet;  
Cogitq; turpi cuncta reuocari gradu.  
Silere maxima dicitur virtus, Dei  
Munere tributa, lingua ne loquax fluat;  
Zeno hoc Athenis docuit, in conuiuio.  
Fili tace, multa bona habet silentium.  
Neq; garrulos prudentior quisquam probat  
Sensus in arcto detinendi carcere.  
Qui monstra superant nec modum nôrunt leues,  
Lasciuiendi, cum semel proruperint.  
Passim tyrannus oculus, infidias struit,  
Passim domandus, ne miser victus cadat  
Olympionicem Dioxippum leuis,  
Irrisit athletam sophos, veteris cadi;

Quod



Quod qui coronam modo palestræ protulit,  
Succubuit oculi protinus dolis miser.  
Sic sic iuuentus quæ parum cautos agit  
Dies, recumbit ante tempus non suum  
Mirumne? quando monstra, tot criminum  
Cumuli, iuventam maximè incautam necant  
Mundi dolos quot intueri lubricos  
Cogimur, & acres vulnerum ictus perpeti  
Non tam frequens est germinum campis color  
Quàm crebra mundi proditoris imminet  
Extensa passim stamina & versutia  
Quare timendum, aduersa ne sors turbine  
Te cara proles misceat, cautam parum,  
Et mox apertis te sagittis, vulneret,  
Vexet, doloso pectora & gemitu impleat  
Aduerte facti terminum cuiuslibet,  
Quamcunq; vitam duxeris, caue, caue,  
Ne cespites, ne diffluas graui malo,  
Nil turpe dictu siue factu cogites,  
Amica ne sis ac adulatrix simul,  
Sed cauta prudensq; fuëris, in amicis tua.  
Vitæ legendis, decipit hæc res plurimos  
Fomenta, philtrea potius incautæ plebis  
Hæc sunt dolenda, quæ titillando premunt:  
Lectis amicis te velis promptissimam  
Præstare, condimenta sunt vitæ, probi

Amici;



Amici, res vt cara, fic rara admodum.  
Ætate quando longiùs procefferis ;  
Si publicum quid gesseris, bonum tuis  
Conciuibus quod proſit aduertas magis ;  
Nam Magiſtratus optimus tunc dicitur,  
Si ciuibus cunctis bonum & iuſtum cupit.  
Odium bonorum fuge malorum ne time  
Modò vixeris rectè cadent hoſtes, cadent,  
Malitia namque eſt pœna ſibi certiſſima,  
Metuendaq; magis, omnibus malis,  
Quàm flamma, ferrum, quàm vlla vis hoſtilium  
Incurſionum. nemini probo noce,  
Miſerrimos quando potes curis leua,  
Panibusq; conditis carentes ſuſtine,  
Iuſſu Magiſtri, qui futurus iudicis  
Feret, tremoris ni velis pleniffimam  
Sententiam. quid pluribus te proſequar  
Monitis : bonarum quando habes præſidia  
Scientiarum, quibus amœnioribus  
Horis fruare plenior, prudens, grauis.







PAVLO SZADZINSKI.

MORibus egregijs animi proferre decorem,  
Dum viuus, verum est nobilitatis opus.

MATTHIÆ BILINSKI.

PVLchrius, assurgunt Bilinski stemmata, honoris  
Vertice cum redolet laurea pulchra suo.

IOANNI OFMANSKI.

PRima corolla tibi data; tu contende Ioannes  
Vt virtute pares ferta secunda nouâ.

IOANNI SZYMANSKI.

SANctius obserua venerandi iussa Patroni  
Qui decus augustæ est delictumq; domus.

ALBERTO KOMOROWIC.

CERNere tot patrij non sufficit ampla decoris  
Lumina, ni factis arduus ire velis.

PETRO



PETRO SWANDROWIC.

**G**Aletes forma egregius ; ast moribus idem  
Maior erat ; Petre at tu mihi maior eas.

THOMÆ HYNKOWIC.

**V**irtutes animi Patronorumq; fauores  
In precio retine, sic bona multa leges.

PAVLO IANDROWIC.

**Q**uod facit agricola autumnī semente peractā  
Vetus in hoc studiij tempora cultor age.

HIERONYMO SZELTENREYHC.

**C**racia quos pulchris natalibus ornat, habentur  
Extremis faciles : tu meliora legas.

ALBERTO WEGRZYNOWIC.

**Q**uod tenerā ad validos ausus conferre iuventā  
Collibuit ; gaudent, Cracia, & alma parens.



LAVRENTIO GABRIELOWIC.

**C**Rescere tu poteris modò docti iussa Magistri  
Nosse velis, monitus, dogmata, consilia.

GREGORIO GOSTOMIOWSKI.

**C**ernin? quo patrium fulgens exemplar honore  
Te vocat, hinc animi fac documenta legas.

VALENTINO STALICKI.

**M**oribus & studio præstantia vera paratur  
Cum studijs probitas ingeniumq; valent.

SEBASTIANO FAFROWIC.

**R**Es agitur præstans valido non corporis ausu  
Consilio melius, tum pietate viget.

NICOLAO BIELKOWIC.

**D**E paruo cumulos ingentes anxia promit  
Sedulitas; carie non violanda malâ.

IOAN-



IOANNI KORABSKI.

Ingenuum studijs, mores gravitate coluntur,  
Inter utrumq; tuos diuide ritè dies.

SEBASTIANO TRZECIAK.

Quid duram timidæ potuit perfringere tandem  
Naturæ luctam? peruigilante labor?

ANDRÆ SVSZYCKI.

Corporeas vires animi præstare beatis  
Vfibus, & studijs; laurea prima docet.

IOANNI IARCZYNSKI.

Qvod natura dedit repetet; sed clara manebit  
Gloria virtutis, quam tibi conde libens.

MATTHIÆ WALOWSKI.

Incumbe ad studium tribuit contentio multis  
Consiliumq; foris præsidiumq; domi.



BARTHOLOMÆO WIESIOWIC.

Tolle moras ; volucres cernisne recedere mēses  
Invigila, suda, perface mentis opus.

CHRISTOPHORO SIDECKI.

EXcole dum florent prudenter tempora vitæ  
Quæ studium peperit, sunt bona vera magis.

ANDRÆ ORDINIO.

ORDine postremus ne sis Virtute labores  
Ultimus ORDINI plurima promptus age.

OMNIBVS SIMVL.

Pergite felices mea germina pergite fausti  
Virtus consilium ; forsquē secunda dabit.







EXosculandum, quod de Eretrienſi lectum eſt  
adoleſcentulo, qui diu Zenone uſus præceptore,  
cum in patriam velut poſtliminio rediret, ſciſci-  
tante vehementius patre, quid demum ex ſapient-  
tiæ hauſiſſet fontibus: Commonſtrabo inquit.  
At pater indignabundus hoc nomine, veluti ope-  
ra planè periſſet ac impenſa, cum intentaret pla-  
gas, clementer filius & quietè inſolentiam ferens.  
Ipſum hoc inquit ex Philoſophiæ retuli contu-  
bernio, vt parentis iram poſſem concoquere.


Coel. Rhodig. Lect: Antiq:

Lib: 13. Cap. 13.





Sub fælicibus auspicijs, Admodum Reuerendi &  
Magnifici Domini, ALBERTI BOROVII S.  
Theol: Doct: & Professoris Custodis S.  
Floriani Canonici Scalbimirien: &  
SS. Omnium, Almæ Vniuersi-  
tatis Cracouiensis vigilan-  
tissimi RECTORIS.







i &  
S.  
.



